

Bosna i Hercegovina
Federacija Bosne i Hercegovine
Kanton Središnja Bosna-Srednjobosanski Kanton
KANTONALNO TUŽILAŠTVO/ TUŽITELJSTVO
TRAVNIK
Broj: T06 0 KT 0036849 25
Travnik, 01.10.2025.godine

OPĆINSKI SUD TRAVNIK
- Sucu za prethodno saslušanje-

Na temelju odredbe člana 45. stav 2. tačka i.) člana 241. stav 1. i člana 242. stava 1. Zakona o kaznenom postupku Federacije Bosne i Hercegovine, p o d i ž e m :

O P T U Ž N I C U

Potvrđena dana 06.10.2025. godine.

Protiv:
A. G.

Što je:

Dana 21.01.2025.godine oko 01:25 sati, u ulici Šehida, općina Travnik, nasiljem i bezobzirnim ponašanjem ugrozio građanski mir i tjelesnu cjelovitost i pri tom lako tjelesno ozlijedio oštećenog T. Z., na način da je nakon što je uočio oštećenog ispred pekare Vlašić koji se nalazio u društvu sa osobom M. H., isti je zbog ranijih razmirica koje je imao sa oštećenim krenuo prema njemu obraćajući mu se riječima „Gdje si gelipteru“ te je prilazeći istom izvadio nož iz torbice tzv. bubreg, a zatim se zaskočio i rukom iz zraka zamahnuo prema oštećenom i na taj način mu nanio laku tjelesnu ozljedu u vidu rezne rane na području lijeve podlaktice, svjestan da takvim postupanjem može drugom ugroziti građanski mir i pri tom ga lako tjelesno ozlijediti, i htijući to, da bi zatim u namjeri da se odbrani oštećeni u momentu kada je pokušao skinuti svoju torbicu, osumnjičeni se udaljio u pravu zelene pijace obraćajući mu se riječima „vićemo se mi još“, nakon čega je oštećeni otišao do Doma zdravlja Travnik radi ukazivanja liječničke pomoći t e je događaj prijavio Policijskoj stanici Travnik.

Dakle, nasiljem i bezobzirnim ponašanjem ugrozio građanski mir i drugog lako tjelesno ozlijedio.

Čime je počinio kazneno djelo Nasilničko ponašanje iz člana 362. stav 2. u vezi sa stavom 1. KZ FBiH.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom